

Mbunda - Vishungwiya Visoneka - Lust Scriptures

Kutuuka 15:9 Citozi wendekele ngwendi, ‘Njikavakava, co njikavakwata, njikaangununa vufuko vwavo, co nijkambata vyoshe vinjishaka, njikashomona mukwale wange, co njikavanyongesa na livoko lyange.’

Kutuuka 18:21 Oloni unapande kwangula vanalume vamo vakunyanyama uvemike vapwe vantwama va vanu, vantwama va makulukazi, na ava va viita, na ava va makumi atanu, na ava va likumi. Vakevo vanapande kupwa vanalume vakukomoka Njambi, va vushunga, vaka-kuzinda lizika-kanwa.

Kutuuka 20:14 Kesi mukalinge vupangala.

Kutuuka 20:17 “Kesi mukaliveyele njuvo ya mukweni, kesi mukaliveyele munakazi wa mukweni, nambe ndungo yendi wa munalume, nambe ndungo yendi wa munakazi, nambe ngombe yendi, nambe cimulu cendi, nambe cuma cimo ceka calinaco.”

Kulava 11:4 Co kwakele vanu vamo veka vaje vendele amo na vanu va Isalele. Vakevo vashungwiye kulya situ, co vanu va Isalele navo vashangumukile kulinyenyeta ngwavo, “Tawe! Nga kutwawanako situ tai tulye!

Kwituluka mu Mashiko 5:21 “ ‘Kesi mukaliveyele njuvo ya mukweni, kesi mukaliveyele munakazi wa mukweni, nambe ndungo yendi wa munalume, nambe ndungo yendi wa munakazi, nambe ngombe yendi, nambe cimulu cendi, nambe cuma cimo ceka calinaco.’

Kwituluka mu Mashiko 12:20 Omo Shukulu Kalunga Njambi yeni akaamesa lifuti lyeni, ngwe muje wamikulaesele, co mukalya situ oshe aje amushakela kuyilila.

Kwituluka mu Mashiko 22:22 Nga munalume vanamukwata na munakazi wa mukwavo, co muvuvali vwavo vakavatsiye. Mu ngila eyi mukatundisa vuvi ovu mu Isalele.

Yoshwa 7:21 Akati ka vyuma twakapukwile, njamwene cikoveyo cacivwa manene ca vaMbambilone, na makilo avali a siliva, na livundungulu lya ngolinde lya vulemu vwa litambelo lya kilo. Njavishakele manene ngeci njavyambatele. Co mukaviwana njavishitika mukati ka mbalaka yange, co siliva ili kwisi yavyo.

Myaso 10:3 Muka-vuvi alyalesa na mashungu a mu mbunge yendi, co mukacipululu asinga nakuvyana Shukulu Kalunga.

Myaso 78:18 Co valingile shakelo mukweseka Njambi, akulomba vyakulya vivashakele.

Myaso 78:30 Oloni omo lishungu lyavo lyakulya kanda lihwe,

Myaso 81:12 Ngcivene, njavatavele kulinga vizango vyavo.

Myaso 106:14 Vanu vakele na mashungu a vyakulya muje mu mambo. Nakweseka Njambi muje vene mu mambo.

Myaso 119:36 Tengulwila mbunge yange mukwononoka ku mashiko ove, co kesi itengulukile ku cipululu embwe.

Visimo 1:19 Vufuko vuje uwana mu ngila ya muuka vukakutwala ku kutsa, eci cikeco cilingiwa ku munu uje ayoya mu ngila ya muuka.

Visimo 6:25 Kesi utave munakazi wa cifwa cangacije akukokweye na vuvwa
vwendi, nambe na mesho endi embwe.

Visimo 15:27 Muka-cipululu akanene vukalu ku naanga yendi, oloni uje azinda
lizika-kanwa, akayoya.

Visimo 21:25,26 Muka-vulwa uje avyana kupanga, alinakulitsiya lika ikeye
vavenya, 26vaka-vuvi valiveya litangwa lyoshe lyamutunu, oloni vaka-vushunga
vakana vyuma vyavo kuvesi kulikela.

Visimo 28:16 Muka-kushwana wakujeneka mana akayandesa vanu manene, oloni
uje kesi na muuka akayoya simbu yakama.

Isaya 56:11 Vantwama vaje kuvesi kuzivisia vanapu ngwe tutali vamutupu vaje
kuvesi kukuta. Vantwama ava kuvesi kuzivisia. Ntwama na ntwama ashaka
kulinga vije vimuvwaelelesa.

Isaya 57:17 Njaluvalele navo omwo vuvi vwavo na muuka wavo, ngeci njavahisile
nakuvaseza, omwo vakaluwisile vimbunge vyavo nakuya mu vingila vyavo.

Njlemiya 6:13 Munu woshe, mwanike nameme mukulunu ali na cipululu ca
vimbongo, nameme vaka-kwimanena na vaka-kukombelela voshe vanapu vaka-
kukwisa vanu.

Njlemiya 22:17 Oloni viyongola vyove vinapu vyva muuka lika, utsiya vanu
vakujeneka mulonga, nakuyandesa vanu vove na muuka. Mwanendeka
Shukulu Kalunga.

Njlemiya 51:13 Mbambilone lifuti lije lyakala manene na vindonga na vufuko
vwavungi, oloni simbu ya lifuti eli yakuyoya ineti.

Ezekiyele 6:9 kuje vakakala mu vunzinda. Co kuje vakanjanuka, nakuzivuka ngeci
yangi njinavahisa nakuvazivisa shwamwa, omwo vimbunge vyavo vyakujeneka
kukulaela vyanjisezele, co vazemene tumponya kutuvakana yangi. Co vakaziva
vunyengwe, omwo vuvi na vyuma vyva shwamwa vije vivalingile.

Ezekiyele 14:4,5 Ololo endeka kuli vakevo nakuvaleka vije vinjendeka yangi
Kalunga wa Akamwa ya Vyoshe, ngwange, kalsalele woshe uje naaka mbunge
yendi ku tumponya nakutava ngeci vamutwamenene mu vuvi, co lalo aija
nakwihiula muka-kwimanena, co njikamukumbulula kukumbulula kuje
kunapande tumponya twendi twatungi! 5 Tumponya tuje twoshe tunatengulula
valsalele nakuvatundisa kuli yangi, oloni kukumbulula kwange kukavatengulula,
co vakanjisingimika lalo.

Ezekiyele 22:12 Vanu vove vamo valinakutsiya vanu ngeci vavafwete vimbongo.
Vamo valinakufwetesa kakondweso a makongo aje valinakwana kuli vavushoko
vwavo valsalele, co valinakufuka mu ngila ya makuli. Vananjivala yangi.'"
Shukulu Kalunga wa Akamwa ya Vyoshe nendekamo.

Ezekiyele 33:31 Ngecivene, vanu vange valikungulula nakuziva vije wendeka, oloni
kuvashaka kulinga vije viwuvaleka ngeci vavilinge. Vapwisa majwi ove ngwe
myaso ya cizemo, oloni vatwalao kulinga vingila vyavo vyva cipululu.

Hoziya 4:12 Vanu vange valomba mana ku tumponya twavo twa viti! Co viti
vivaleka vije vivashaka kuzivuka! Vananjiseza. Ngeci mwa munakazi uje
alipwisa cikwizi, vanu vange vanalyana vakevo vavenya ku vinjambi veka.

Hoziya 5:4 Vuvi vuje vuvanalingi vanu vunavonwesa kwiluka kuli Njambi yavo.

Vanakakateya manene tumponya, co kuvesi nakwononoka Shukulu Kalunga.
Mika 2:2 Omo vashaka mahya, co vawambata, omo vashaka vinjuvo, co vavitunga. Naimo naanga ya munu nambe cuma cili mwamuvwa cai.

Nahumi 3:4 Cikwizi Nenevayi valinakumunyanyamesa. Wapwile wamuvwa akumukenga, wakele na vyemba vyavushungu wakokweyeye miyati nakuvapwisa vindungo.

Hambakuke 2:9 Munavindama! Munafukisa naanga yeni na vije mwambatele akupanga muuka, co munatungu membo amavva muje muli kwoloka ngeci naanga yeni kesi vakale mu vushonde!

Mateo 5:28 Oloni yange njimileka ngwange, woshe akenga shwii munakazi na lishungu nalingi laja nendi vupangala mu mbunge yendi.

Mako 4:19 oloni akulishoshomwena kwa ano asi, nakuzema vufuko, na vyeka lalo vyavingi nya mashungu akuliseza-seza vivazengeleka vitinikisa lijwi, co kuvasa kwima vushuka.

Mako 7:22 kulinga vupangala, kulsiveya, nakulinga vyuma vyoshe nya vivi, kukwisa, mashungu amavi, cipululu, vungumba, kulyalesa, na vulema,

Luka 3:14 Mashwalale vamo lalo vamwihwile ngwavo, "Netu lalo tunapande kulinga vika?" Co wavalekele ngwendi, "Kesi mukapukule vyuma nya vakweni, nameme kuvangela munu, simpeni na fweto yeni."

Luka 12:15 Co wendekele navo voshe ngwendi, "Nyanyameni nakulinyunga ku cipululu coshe, omwo kuyoya kwa munu kukwakundamene ku vyuma vyali navyo, nambe afuke vati."

Luka 16:14 Omo vaFaliseo vazivile vyoshe evi, co vakevo vashendumwine Yesu, omwo vazemene vimbongo.

Yowano 8:44 Yeni muli na ishwensi, Liyavola, co mushaka kukava mashungu a ishwensi. Tunde akulivanga ikeye wapwile muka-kutsiya, co kapwile muka-vushunga embwe, omwo muli ikeye kumwakele vushunga. Omo endeka makuli, endeka muje mwafwila, omwo wapwa muka-makuli, co ikeye ishe ya makuli.

Vilinga nya Miluwa 20:33 Kunjashakele siliva ya munu nambe ngolinde nambe vuzalo.

Loma 1:24-29 Ngecivene, Njambi navecelela ngeci valinge vyuma nya mazilo ngwe ku mashungu a vimbunge vyavo, co valinga vyuma nya shwamwa kuli umo na mukwavo. 25 Omwo vanavyana kukulaela vushunga vwa Njambi, co vanakulaela makuli, co valemesa nakupangela vije vyanatanga Njambi kujeneka kulemesa vavenya uje wavyapande, uje ivanapande kushangazala myaka yoshe! Ewa. 26 Omwo a cuma eci, Njambi navecelela ngeci valinge vyuma nya shwamwa ngwe ku mashungu avo. Nambe vanakazi vanatengulula kulinga vilika na vanalume mu ngila ya cisemwa, oloni valinakuvilinga mu vingila vije kuvyapandelemo. 27 Co mu ngila imo lalo vanalume vanatengulula kulinga vilika na vanakazi mu ngila ya cisemwa, oloni valinakulinga vundei na vakwavo vanalume. Vanalume valinakulinga vyuma nya shwamwa kuli umo na mukwavo, co a cuma eci vanatambula fweto inavapande omwo vilinga vyavo vyavivi vije vivanalingi. 28 Omwo vanu ava vanavyana kunyunga vushunga vwakuzivisia Njambi mu viyongola vyavo, Njambi navecelela vakale na mana amavi, ngeci

valinge vyuma vije kuvapandele kulinga. 29 Vanashulu na vyuma vyoshe vya kupenga-penga na vuvi na cipululu na cizindo, vanashulu na cipululu nakutsiya na Iwozi na makuli na linyanyamena. Vafweya

Loma 6:12 Kesi mutave vuvi vushwane mu mivila yeni ije kuyesi kuyoya myaka yaingi, ngeci mwononoke mashungu avwo.

Loma 7:7 Ngecivene, tunapande kwendeke ngwetu Lishiko likelyo lyapwa vuvi ndi? Kesi ngoco embwe! Oloni lyapwile lishiko lije lyanjilingisile ngeci njizivuke vuvi. Nga Lishiko kulyendekele ngwalyo, "Kesi uliveyele cuma ca mukweni," nga kunjazivukile lishungu eli.

Loma 13:9 Mashiko ngwawo, "Kesi ulinge vupangala, kesi utsiye, kesi wife, kesi uliveyele cuma ca mukweni", co vyoshe evi, na vyeka lalo, vanavipwisa lishiko limolika ngwavo, "Zema mukweni ngwe muwalizema yove vavenya."

Loma 13:14 Oloni zaleni vitwa vya Mwene Yesu Kilistu, kesi mwanuke lalo cifwa ceni ca vusitu nakukavangeya mashungu aco embwe.

- 1 Kolinte 5:10,11 Oloni, kunjendekele vaka-kujeneka kukulaela vaje vaka-vupangala, vaka-cipululu vakevo lalo vezi, nambe vaka-kulemesa tumponya. A kulitepa navo munapande kutunda ano a kaye! 11 Njatumbwile ngwange kesi mulikumbasane na munu uje alitumbula ngwendi napu muka-kukulaela oloni napu muka-vupangala, nambe muka-cipululu, nambe muka-kulemesa tumponya, nambe muka-kushaula, nambe muka-kupenda, nambe muka-kwiva. Kesi mutumbame nakulya na munu wangacije.
- 1 Kolinte 6:9,10 Mwa vushunga mwazivuka ngeci vaka-vuvi kuvakashwana Vumwene vwa Njambi. Kesi mulikwise yeni vavenya, vaka-vukwizi nambe vaka-kulemesa tumponya nambe vaka-vupangala nambe vaka-vundei 10 nambe vaka-kwiva nambe vaka-cipululu nambe vaka-kupenda nambe vaka-kushaula nambe vezi, kuvakashwana Vumwene vwa Njambi.
- 1 Kolinte 10:6 Ololo, vyuma vyoshe evi vinapu cimweso kuli yetu, mukutunangula kesi tukale na mashungu akulinga vyuma vyavivi, ngwe muvalingile vakevo,
- 1 Kolinte 12:31 Ngecivene, akeni vimbunge vyeni ku mavwana a seo yakama. Co njikamimwesa ngila yakuhyana manene.
- 1 Kolinte 14:39 Ngecivene, vavusamba vange, akeni vimbunge vyeni akwambulula liji iya Njambi, oloni kesi muvindike vaje vendeka mu vindaka vyeka.
- 2 Kolinte 9:5 Ngecivene, njayongola ngeci nga citava njitume vwaso vandolome ava kulutwe Iwange ngeci vaminangule mulivwaesele cimweja a vwana vuje vumwakulaesele kwana. Asinoni omo njeta, munavuvwaesa laja, co eci cikamwesa ngeci kuma yeni mulinakwana omwo mulinakushaka kucilinga, kesi ngwe omo valinakumisindiya embwe.

Ngalatiya 5:16-20 Evi vikeyo njendeka ngwange, eceleni Munzinzime atwamenene myonyo yeni, co mukenukwa mashungu a cisemwa ca vunu. 17 Omwo cisemwa cetu ca vunu cilinakulwisa vije vyashaka Munzinzime, co lalo vije vyashaka Munzinzime vilinakulwisa vije vishaka cisemwa cetu ca vunu. Vyoshe evi vivali vyakala mu vutozi, co eci cinalumbunuka ngeci yeni kumwasa kulinga vije vimushaka kulinga. 18 Oloni nga Munzinzime alinakumitwamenena, co yeni kumwesi mwisi ya Mashiko. 19 Vije vicilinga cisemwa ca vunu

vinatungukwa manene. Cilimwesa cikeco vavenya mu vupangala nakulijwalesa na vilinga nya kukezima, 20 mukulemesa tumponya na mu vulozi. Co vanu vakapwa vitozi, vakalwa, co vakapwa vaka-cipululu, vaka-matoto, na vaka-kulyaka ku vukama. Co vakalyangunuka mu vimbunga na mu vimunga, Ngalatiya 5:24 Co voshe vaje vanakundama kuli Kilistu Yesu vanatsii cisemwa cavo ca vunu na mashungu aco oshe.

Efeso 2:1-3 Laja mwapwile mu vatsi ku munzinzime omwo kumwononokele, co mwalingile vuvi. 2 A simbu ije mwakavangeyeeye vingila nya vuvi vwa ano a kaye, mwononokele ku mwene wa vushwana vwa mu mukambwila, ku munzinzime ou ololo alinakutwamenena vanu vaje kuvesi nakwononoka Njambi. 3 Mwa vushunga vene tuvavoshe twafwile ngwe vakevo, co twayoyele vene ngwe ku cisemwa ca mashungu etu a vunu, twalingile vije vyoshe mivila yetu na mana etu akele nakuvilinga. Ku cisemwa cetu ca vunu ngwe vanu voshe, vatwimikilile tuyande ku vukalu vwa Njambi.

Efeso 4:19 Vakevo voshe vanakundwila na shwamwa yai, vanalyecelela nakulyumbila mu vuvi nakulinga vyoshe nya mazilo kujeneka kulikela.

Efeso 4:22-27 Ngcivene, umbileni kuti vunu vweni vwalaja, vuje vwamilingisile ngeci muyoye ngwe muje mwayoyele, vunu vwalaja vuje vuya nakunyonga na mashungu avwo a makuli. 23 Vimbunge vyeni na mana eni vinapande kupwa vyaviha, 24 co munapande kuzala vunu vwavuhwa, vuje vuvanatanga mu cifwa ca Njambi, co vunasholoka vukewo vavenya mu mwonyo wa vushunga uje wauvwa nakujela. 25 Ngcivene, kesi mwendeke makuli lalo! Munu na munu napande kwendeka vushunga kuli mukwavo muka-kukulaela, omwo yetu voshe tunapu vilyo vimolika mu muvila wa Kilistu. 26 Nga muluvala, kesi mutave kuluvala kweni kumitwale ku vuvi, co kesi mutokese litangwa mukuluvala lika embwe. 27 Kesi mutave kwana Liyavola mwela.

Efeso 5:3,5 Akupwa mu vana va Njambi, kesi mwamuvwa ngeci mukale majwi amo a vupangala, nambe nya mazilo, nambe nya cipululu, kesi muvisimutwiye akati keni. 5 Mwa vushunga, naumo wai muka-vupangala, nambe muka-mazilo, nambe muka-cipululu, (omwo cipululu citwala kukulemesa tumponya) kesi na mutambela mu Vumwene vwa Kilistu na Njambi.

Kolose 3:5 Omwo yeni mwatsile, co myonyo yeni vanaishweke amo na Kilistu muli Njambi.

- 1 Tesalonika 2:5 Omwo mwazivuka mwamuvwa ngweni kutwezile kuli yeni mukwendeka vyakuseveleka, nambe kwendeka majwi akumifwikafwika a mbunge ya cipululu, Njambi ikeye mukaleo wetu!
- 1 Tesalonika 4:3-7 Njambi ashaka ngeci mupwe vakujela nakupatuka ku vupangala. 4Munu ku munu kuli yeni vanalume azivuke vati napande kuyoya na munakazi wendi mu ngila yakujela na kalemeso, 5kesi na mashungu amavi, ngwe vaka-kujeneka kukulaela vaje kuvazivuka Njambi. 6Mu cifwa eci vene, naumo wai weni napande kulinga mwamuvi kuli vakwavo vaka-Yesu nambe kuvanyanyamena. Twamilekele laja cuma eci, co twaminangwile na nzili ngwetu Mwene akanyanyamesa vaje voshe valinakulinga ngacije. 7Omwo Njambi katusanene ngeci tuyoye mu vupangala embwe, oloni mukujela.

- 1 Timateo 3:3,8 kapandele kupwa muka-kupenda nambe kupwa munu muka-lwozi, oloni apwe muka-lyowwa-ovwa na kwoloka, kapandele kupwa muka-kuzema vimbongo, 8 Vakwasi va mu cikungulukilo lalo vanapande kupwa va futisi yaivwa na kasingimiko, kuvapandele kupwa vaka-kunwa manene vinyu nambe vapwe vaka-cipululu ca vimbongo,
- 1 Timateo 6:9,10 Oloni vaje vashaka kufuka vawila mu ceseko, co vanakwatiwa mu mweto wa mashungu amangi a vulema akuvulumuna, aje alinakuvakokela kukunyonga nakukuziluka. 10 Omwo cizemo ca vimbongo cinapu nsina ya miyati yoshe ya vuvi. Vamo vanakele na mashungu a nzili ngeci vakele navyo, mukulinga ngacije vanatundu kukukulaela kwavo, co vanapokola vimbunge vyavo na vusiwa vwavungi.
- 2 Timateo 2:22 Tewa ku mashungu a vukwenje, pangela lika vushunga nakukulaela na cizemo na kwoloka, amolika na vaje vatambeka kuli mwene na vimbunge vyakujela.
- 2 Timateo 3:2 Omwo vanu vakapwa vaka-kulizema vakevo vavenya, vaka-kuzema vimbongo, vaka-kulishasha, vaka-kulijundula vakevo vavenya, vakapwa vaka-kushaula, vaka-kujeneka kwononoka kuli visemi vyavo, vaka-kujeneka kukandelela, vaka-kujeneka kukulaela,
- 2 Timateo 3:6 Omwo amo vavo vakai nakukovela mu vinjuvo vya vanu nakwononwesa vanakazi vakuzeya vaje vanalemuwa na milonga ya vuvi vuje vunavatwala ku miyati yoshe ya mashungu,
- 2 Timateo 4:3 Omwo simbu ikaija omo vanu kuvakatolilila ku kulongesa kwa vushunga, oloni vakakavangyea mashungu avo, co vakalikungulwila valongisi vavangi vangi vaje vakavaleka vije vashaka kuziva.

Tito 2:12 Kutetela oku kulinakutulongesa kuvyana yoyesi yakujeneka kulemesa Njambi na mashungu amavi, nakuyoya yoyesi yakulemesa Njambi ano a kaye mukulinyunga na mukushungama,

Tito 3:3 Omwo yetu lalo twapwile tu vilema, vaka-kujeneka kwononoka, nakulinga mwamuvi. Twapwile tu vindungo va mashungu na senga yakuliseza-seza. Twombilile simbu yetu mu vyuma vya muuka na nuna, vakwetu vatuzindile, co netu twavazindile.

VaHevelu 13:5 Kesi mukakateye mu cizemo ca vimbongo, pweni vaka-kujauka na vyuma vije mulinavyo. Omwo Njambi nendeka ngwendi, "Kunjikamiseze nalumo Iwai nambe kumivyana.

Yakomba 1:14,15 Oloni munu na munu amona vyeseko omo mashungu endi ikeye vavenya alinakumukoka nakumukwata. 15 Asinoni mashungu omo emita, co akita vuvi, co vuvi omo vunakolo, co vukita kutsa.

Yakomba 4:1-5 Kulilwisa kwshe na vimata vyoshe akati keni vilinakutunda kuli? Vilinakutunda ku mashungu eni aje simbu yoshe alinakulwa mu mivila yeni. 2 Mushaka kukala na vyuma, oloni kumwasa kuviwana, ngecivene, mutsiya, muliveyela vyuma, oloni kumwasa kuviwana, co mulinga vimata nakulilwisa. Kumwesi kuwana vije vimushaka omwo kumwesi kuvilomba kuli Njambi. 3 Co nameme munalombo kumwasa kuvitambula, omwo viyongola vyeni vyapwa vyavivi, mukalomba vyuma ngeci mulikwase ku senga yeni vavenya. 4 Yeni

vanu vakwonwa kulongwa! Kuma kumuzivuka ngweni vusamba na kaye vwapwa vutozi kuli Njambi ndi? Woshe uje ashaka kulipwisa musamba wa kaye nalipwisa ikeye vavenya citozi ca Njambi. 5 Kesi tuyongole ngweni visoneka vilinakwendeka makuli omo vyendeka ngwavyo, "Munzinzime uje yanaka Njambi muli yetu washula na mashungu a muuka."

- 1 Petulu 1:14 Pweni vaka-kwononoka kuli Njambi, co kesi mutave kuyoya kweni vacendese ku vizango vije mwakele navyo omwo mwakele ku nzimba.
- 1 Petulu 2:11 Vasamba vange, njilinakumilambelela, ngwe vangenzi na vaka-kwendangana mu kaye kano! Kesi mutave ku mashungu a ku muvila, aje simbu yoshe alinakulwa nzita na myonyo yeni.
- 1 Petulu 4:2-4 Ngecivene, kutunda ano kutwala kulutwe, munapande kuyoya yoyesi yeni ya ano asi ku nzili ya vutumbe vwa cizango ca Njambi, kesi ku mashungu a vunu embwe. 3 Mwombilile simbu yakama kunima mukulinga vivakazeme kulinga vaje vaka-kujeneka kukulaela. Mwombilile kuyoya kweni mu vuvi na mu mashungu amavi na mukupenda na mukukina na mu vimunga vyakunwa na mu vunyengwe vwakulemesa tumponya. 4 Co ololo vaka-kujeneka kukulaela vanalikomokela omo kumwesi nakulipandakana navo mukuyoya kwa muuka na vunyengwe, co valinakumishaula.
- 2 Petulu 1:4 Mu ngila eyi vene ikeye natwana vwana vwakama vwa seo vuje wakulaesele, ngeci a vwana ovu mwase kutunda ku lishungu lije linyongesa lije lili muno mu kaye, ngeci mwije mulipangele cifwa ca vuNjambi.
- 2 Petulu 2:3 Co mu cipululu cavo, ava valongisi va makuli vakawana nganyo akumileka tusimilili. Omwo a simbu yakama ololo Lyaako wavo nalivwaesela cimweja, co Muka-kunyongesa wavo ali laja mu mesho!
- 2 Petulu 2:9-19 Ngecivene, Mwene azivuka vati amena vanu vaka-vushunga kutunda ku vyeseko vyavo, co lalo vati anyunga vaka-vuvi akuvanyanyamesa a Litangwa Lyakusompa, 10 vunene kuli vaje valinakukavangeya mashungu amavi a muvila nakushaula moko ya Njambi. Ava valongisi va makuli vapwa vakwamuka nakujeneka lyova, kuvesi kusholola kasingimiko kuli vaka-vumpau vaje vali akamwa, oloni vakevo valinakuvalashaula. 11 Nameme tungelo, vaje vali na nzili yakama manene kutuvakana ava valongisi va makuli, kuvesi kuvalangela na kashaundu ku mesho a Mwene. 12 Oloni vanu ava valinakupanga na mana ngwe a tusitu, vasemukilile mu shwata nakuvakwata na mukuvatsiya, vakevo valinakulwisa na kashaundu vyuma vije kuvalangela. Vakavanyongesa ngwe tusitu, 13 vakatambula fweto ya ñavava omwo a ñavava ije vanenelele vakwavo. Kuvwaelela kwavo kukekwo kulinga cuma cimo mutanya mwelu ngeci vakutise mashungu a mivila yavo, vakevo vakaziva shwamwa nakuviiilila omo valipandakana neni akulya, okuco kuvwaelela kwavo kunapu kwa makuli! 14 Vakevo kuvalashaka kukenga a cuma ceka kuvalangela vupangala, lilaku-laku lyovo lya vuvi kulyesi kujauka. Vakatwamenena vanu vakakuzeya ngeci vatse mu mweto. Vimbunge vyavo vyalilongesa kukala na cipululu. Vakevo vali mwisi ya cisingo ca Njambi! 15 Vanaseza ngila yakushungama, co vanazimbalesa ngila yavo, vanakavangeya ngila yakavele Mbalame muna Mbeole, uje wazemene vimbongo vije vyakawana a vilinga

vyavivi, 16 oloni vamukandele a vuvi vwendi. Cimulu wendekèle ngwe munu nakuvindika vilinga vya kuzaluka vya muka-kwimanena. 17 Vanu ava vanapu ngwe masima atuvwelu-vwelu akuma, ngwe mashelwaaku pekumuka na lihunzi lyakama, Njambi navavwaesela mwela mu lisusulungu lyakuzivala vwii. 18 Vakevo vakendeka na kulyalesa na majwi a vulema, co vakapangesa mashungu amavi a muvila mukukwata vaje vashaka kuputumuka akati ka vanu vaje valinakuyoya mwamuvi. 19 Vavakulaesa kupatuka, oloni vanapu vindungo va futisi yakunyonga, omwo tunapu tu vindungo va cuma coshe cije cinatushwana.

2 Petulu 3:3 Akulivanga, munapande kuzivisia cuma eci, ngweni a matangwa akukotoka kukasholoka vanu vaje vakayoya yoyesi yakwenda mu mashungu avo amavi. Vakamishendumuna,

1 Yowano 2:15-17 Kesi muzeme kaye nambe cuma cije cinakundama ku kaye.

Nga muzema kaye, co kumwesi nakuzema Tate. 16 Omwo vyuma vyoshe vije vyakundama ku kaye, vije vishungwiya mashungu amavi a vunu, vije vanu vamona nakuvishungwiya na vyuma vyoshe vya muno mu kaye vije vanu vali na kulyalesa navyo, nacimo cai ali evi catunda kuli Tate, vyoshe evi vyatunda mu kaye. 17 Kaye na vyuma vyoshe vilimo vije vanu vashungwiya lilinakwita, oloni vaje valinga cizango ca Njambi vakayoya myaka yoshe.

Yunda 1:11 Luvinda ali vakevo! Omwo vanakavangeya ngila ya Kaini. Co vanalyana vakevo vavenya ku lilaku-laku lya vimbongo, ngwe mwalingile Mbalame. Vanatengulukila ngwe mwatengulukilile Kola, co ngwe ikeye na vakevo lalo vanavanyongesa.

Yunda 1:15-19 mukusompa voshe, mukuhisa vanu voshe vanalingi vilinga vyakushaula Njambi naa majwi avo oshe amavi akushaula Njambi avamwendekèle aje kuvapandele kuwendeka kuli ikeye.” 16 Vanu ava simbu yoshe vaka-kungunguta nakwana mulonga vakwavo, vakakavangeya mashungu avo amavi, vaka-kulishasha nakwendeka majwi a kulyalesa kuli vakwavo ngeci vapange vizango vyavo. 17 Oloni yeni munapande kwanuka, vasamba vange, vika vamilekele miluwa a simbu ya kunima vya Mwene yetu Yesu Kilistu. 18 Vendekèle kuli yeni ngwavo, “A matangwa akukotoka, vanu vakasholoka vaje vakamishendumuna, vanu vaje vakakavangeya mashungu avo amavi.” 19 Vanu ava vaka-kunena kaangu, vaje vakakava mashungu avo a vunu, kuvesi na Munzinzime embwe.

Kujombolola 18:14 Co vaka-kulandulula vendeka kuli ikeye ngwavo, “Vyuma vyavivwa vyoshe vije viwashakele kukala navyo vinakutundu, na vufuko vvove vvoshe na vije vyavivwa vinakutewa, co kuukaviwana lalo!”